



Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Christi D. N. interna, & spiritali quodam modo, ad peccatricem quidem sed
pœnitentem animam, Allocutio. xxi.

[urn:nbn:de:hbz:466:1-46214](#)

72 DE DEI ERGA PECCAT. POENIT. AFFECTV.

tua: Domine si tu pro me tanta passus es: cur non ego quoque patiar acerbiora commeritus? Fiat igitur voluntas tua. Paratum cor meum Deus; paratum cor meum: cantabo & psallam in gloria mea. Quia magna est super celos misericordia tua: & usque ad nubes veritas tua. Da nobis auxilium de tribulatione: quia vana salus hominis. De S. Vnctione vide lib. 4. cap. 9.

Matt. 6. &c
16.
Psalm. 107.

In Pharetra
Divini a-
motis.

Christi D. N. interna, & spirituali quodam & arcano modo, ad peccatricem quidem, sed poenitentem animam Allocutio: qualem se erga peccatum de peccatis suis dolentem & relipiscentem exhibere velit, demonstrans. A doctiss. sanctissimoque viro IOAN. Lanspergio conscripta.

CHRISTVS LOQVITVR.

CAPVT

xxi.

Proverb. 8.

Ioan. 3.

Esa. 53.

Rom. 4.

EGO diligentes me diligo: & delitiae meae, esse cum filiis hominum. Sic dilexi mundum, ut in mortem darem animam meam: ne pereat, sed habeat vitam eternam, quicunque in me crediderit. Ego, o anima, prote laboravi, esuriui, sitiui, contemptum & persecutionem passus sum. Vulneratus sum propter iniquitates tuas, attritus propter scelerata tua: mortuus propter delictata tua, resurrexi propter iustificationem tuam. Ad hanc omnia me impulit Amor, quo te diligio, & in filiam adoptionis adscisco. Itaque tu resipiscens ad amantem reuertere, in vulnerum meorum sanguine lauare: virtutibus & vita mea meritis vestire. Omnia hanc lubens tribuo: imo ut amantissimus pater hanc offerens, tibi occurro in amplexum: ad osculum te recipio, & ad redemandum te inuitio. Reuertere filia, & mundare. Prebe cor tuum mihi: quia preter hoc aliud abs te non desidero. Porro, quomodo tota ad me reuertaris: quomodo in corde tuo

tuo mihi delicias preparas: quomodo amorem meum reficias: quo denique modo tu quoque reficiaris, aduerte.

Ei qui ad vitam correctiorem aspirat, qui mihi se totum nititur dedicare: necessarium est, ut vita male retroacte primum vere puniteat. Sit itaq; ad minus dolor in iudicio rationis, ut peccando se male fecisse iudicet: optetq; ex toto corde se non fecisse, nolitq; deinceps peccare: nulla re magis carere velit, quam peccato: nihil minus optet, aut magis execretur, quam peccatum. Doleat igitur, quia peccauit, quia me offendit: atque damnabilem se iudicet, quod peccauerit: & quod non dolet, quantum deberet. Ego enim vestram attendo miseriam, vestram imbecillitatem, vestram paupertatem: nec ullo modo bona voluntati desperandum est, quantamlibet cordis sentiat ariditatem seu frigiditatem, quando vellet se non peccasse: statuitq; propter me posthac nolle peccare. Non ergo tristis, si fortassis imaginationes patiaris ac phantasias, quasi iratus sim, adeo ut nolim placari, volum indulgere, nolim te ad gratiam recipere: hac superflua sunt diaboli, quibus ad desperationem te nititur pertrahere, mentiens, quod nolim dimittere. Tu autem, o anima, noli credere: quicquid sentias, non consentias desperationi. Optes te non offendisse: statuas nolle peccare. Quod si iterum deliqueris, iterum quoque surge: & de novo propositus non delinquendi statue. Si tertio deliqueris, tertio resurge. Denique quartu, quintu: & si postremo septuages septies cecideris quotidie, toties ad me reuertere: & ego suscipiam te. Nonne melius est, ut suscipiam te, quam amittam: simulq; omnes labores meos & penas pro tui redemptione toleratas perdam? Nihil ergo, o anima, nihil o filia sanguine meo redempta, te a me auocet: nihil detineat, nihil remoretur. Et si diabolo te tradideris, si me centies neganceris: dole quia fecisti, &

E s ega

ego dimitto tibi peccatum. Non sit in oculis tuis adeo magnum peccatum, quod spem venie adimat: non adeo multum, quod meam misericordiam posse superare existimes. Nihil refert apud me, à multis an a paucis peccatis redimam: & magnus & parvus peccator aqñ eget misericordia mea: que inexhaustibilis omnibus fluit & abundat. Non potest misericordiam meam vincere malitia tua. Quanto plura tu habes peccata, tanto libenterius ego ignosco pñnitenti. Inde enim eluet maior gloria mea: quanto maiori peccatori maiorem ero ergo misericordiam. Non sum durus, non sum malevolus, non sum parcus: sed totus in te, ô filia liberalis, profus & prodigus. Nihil minus habeo, si omnia mundi peccata tu sola fecisses, & tibi omnia dimitterem. Miki ergo te committe: scito hoc miki præcipue placere, ut de me sentias in bonitate: & in simplicitate cordis me queras. Sentias me benignum, piuum, compassiuum, misericordem, optimum. Confide mibi: Spera in me. Non potes mi nimis piuum aut misericordem estimare: modo super misericordia mea non deliqueris, non potes nimis mibi confidere. Exercitium igitur tuum sit, bene de me sentire, quod nolim te damnare: quia & reuera quemlibet salvare volentem, quemlibet non desperantem damnare nolo. Sufficit, ô filia, quod peccasse doleas: quod peccare etiam deinceps nolis. Iam in statu es salutis: quid trepidas? Dives ego sum, & clemens in miserationibus infinitis. Sic me cogita. Inde enim maiore me afficis honore, quam quod quasi crudelē aut durum me imagineris: aut ita formides, quasi ad hoc solum vigilem, quomodo capiam aut inuoluam homines. Iam vero de Satisfactione pro peccatis, hoc consilium tu amplectere: ut quidquid manus tua potest, instanter opereris: non tamen eo animo aut eo fine, quasi tu peccata

Sapien. 1.

Eccles. 9.

et tua redimere velis, aut satisfacere queas. Sed age omnia, ut mihi placeas quem offendisti. Me roga potius, & ita mihi confide, ut meritis Passionis & Vitæ meæ sanctissime, tua velim abotere delicta: & pro illis Patri meo satisfacere. Hac humilitas, hæcq; fiducia ad me tua, quibus te ipsum operaque tua viltificas, me verò ac Merita mea extollis, omnia satisfactionis tue opera excellit: & me inclinat ad te, ut Meritorum meorum thesaurum tibi faciam communem. Quandoquidem VNA GVTTA SANGVINIS MEI excellit, & valoris ac satisfactionis plus habet, omnibus meritis humanis: & ideo pro peccatis totius mundi satisfacit. Quapropter hoc sit studium tuum præcipuum, ut beneplacitum meum non negligas: ut me continuè cogites, desideres, ames: & quæ inessi, siue per me, siue per vicarios meos, imò quamcumque volo, diligenter perficias. Et si mille millium peccatorum haberem aceruos, omnia tibi sicut unum peccatum dimitto. Neque enim distat apud me, saluare ex paucis vel ex multis peccatis: unde mille peccata sicut unum ignasco. Mirum est quod dicturus sum, certissima tamen indubitate, fide tenendum. Si totus mundus esset globus igneus, & in medio eius de lini stipula pugillus unus: hic ex sua naturali inclinatione non tam cito flammarum reciperet incendium, quam recipit abyssus Miserationum mearum peccatorem pœnitentem & conueriti volentem: quia in illa actione naturali quantulacunque peteretur morula, licet minima, ac fortasse imperceptibilis: hic verò nulla penitus mora inter pœnitentem & remittentem, inter gementem & genitus exandientem interuenit.

Eius-